

14 2614 2921
60-
-LE
CITOYEN
FRANÇOIS.

OV
COVRRIER DES BONNES
nouvelles de la Cour.

8
21
A PARIS,
Iouxte la copie imprimée par
Anthoine du Brueil.

M. DC. XIV.

THE
CITIZEN
FRANCIS

COURT OF COMMONS
JANUARY 1810

A PARIS,
Imprimé par
André de Bure.

M. D. C. XIV.



LE CITOYEN FRANÇOIS.

*Ou Courrier des bonnes nouvelles
de la Cour.*



A France nostre mere tutelaire, qui à bon droict se peut dire la fille aisnee des Empires du monde, & qui a produit les plus grands Princes de l'Europe, & les plus signalez Capitaines de la terre, qui par leur valeur

la rendent & rendront à iamais redoutable aux nations estrangeres, moyennant leur vnion & concorde: Qui encor que neantmoins elle se soit veüe ces iours passez grandement attristee, voire mesme affligee dans ses intestins, par la crainte qu'elle auoit de la diuision des siens, dont par la grace de Dieu elle sera deliuree, par la vigilance de ceste Princesse, qui par sa prudence & sage conduite, fera reünir les astres de la France, avec leur Soleil, nostre Roy legitime, & naturel Seigneur, estant assistee de Messieurs du Conseil, & autres Magistrats des Parlemens de France, qui y

ont employé & employent encores leurs veilles, comme protecteurs de la Monarchie Françoisé, pour la conseruation de la personne de nostre Roy, qui moyennant la grace de Dieu, ayant encor escroullé quelques ans, nous fera paroistre qu'il est yssu de ce grand foudre de guerre, Henry le Grand, que Dieu absolue : ainsi que nous l'apprend vn Poëte François en ces vers.

Les forts naissent des forts, le craintif du craintif,

Le Lyon du Lyon, le Cerf du Cerf fuitif.

Ie croy Messieurs les Princes si bien affectez à son seruice, que ie m'asseure qu'ils recognoistront tousiours le Roy estre le chef, eux les membres, les peuples le corps, & Messieurs de la Justice l'ame, qui vniquement conioints le rendront inuincible. On murmuroit desia en diuers lieux de ceste grande Republique Françoisé de leurs mescontentemens, qui causeroit quelque trouble à nous autres pauvres Citoyens, qui n'auoyent pas beaucoup d'assurance, voyant que par ses bruits communs nostre trafic commençoit à s'alterer, & toutesfois en ces allarmes nous auons tousiours esté resolu, comme nous sommes & serons à iamais au seruice de nostre Roy. A qui nous employerons volontairement nos vies & nos moyens, comme tres-fidelles seruiteurs de sa Majesté.

Mais ie diray aussi avec assurance, que la France est & sera tousiours venerable & respectueuse, estant, comme elle est, ornee à l'aduantage, & illuminée par l'esclat de ce grand & supreme Diademe, qui enceint le chef de nostre Roy, qui est vn ornement indissoluble, & qui ne permettra iamais qu'autres que ses legitimes successeurs s'en

5
puissent preualoir. Le sage dit que nous deuons,
(de quelque qualité que nous soyons,) à nos
Roys & superieurs. La fidelité, l'amour, & la bien
veillance, comme esperon de la gloire en chas-
que personne honorable, estant aduoué du chef
de la Republique, comme aussi vituperable, luy
estant contraire. I'ay tousiours reconnu & experi-
menté, que quiconque suit son Roy, ne peut
cheminer en tenebres, parce qu'il est le Soleil
qui rend splendides & lumineux ceux qui l'assi-
stent, seulement par la reuerberation de sa Roy-
alle presence. Il est comme vne lampe esleuee au
sommets de quelque port de mer, qui par sa flam-
me donne adresse aux vaisseaux qui voguent en
icelle, comme aussi le Citoyen vertueux sert de
beaucoup à ses Concitoyens, pour les instruire à
leur deuoir. Ronfard ce grand Poëte François,
parlant de la simpatie qu'il y a entre Dieu & les
Roys, dict de ceste sorte.

*Qui faict honneur aux Roys, il faict honneur à Dieu,
Les Princes & les Roys tiennent le plus grand lieu,
Après la deité : & qui reueré encore,
Les seruiteurs du Roy, le Roy mesme il honore.*

La France ces iours passez par les bruits ordi-
naires qui couroient, pouuoit dire : Il semble que
vous ne me vouliez pas seulement blesser de
nouuelles playes : mais encor r'entamer & r'en-
sanglanter celles qui estoient desia toutes fer-
mées. Soyons sur toutes choses fidelles serui-
teurs de nostre Roy, & l'assistons de fortes reso-
lutions à luy faire service, non point seulement
de paroles, mais d'effect, la ieunesse de l'arbre ne
change pas de qualité par son fruct, parce que
cela luy est acquis par droict de nature, les nom-

bres d'annees ne le fera pas plus respectueux:
mais plus redoutable, sur tout nous deuons crain-
dre de l'irriter: car

*L'ire d'un Roy est grande & redoutable,
Et la fureur du tout insupportable:
Car le pouuoir par lequel il domine,
Vient droitement de la faueur diuine,
Et est tousiours le Roy aymé de Dieu,
Veu qu'il commande icy bas en son lieu.*

Il nous faut asseurer que Dieu luy augmentant
les anneés, fera aussi croistre son courage, pour
auec iugement & raison recognoistre les bons
seruices de siens, pour les recompencer selon
leurs merites: car les Roys sont tardis à oublier
les bons, vn mauuais seruice qu'ils reçoient de
leurs subiects, & sçauent tousiours bien discerner
la punition & la recompence. Le deuoir des sub-
iects enuers le Prince, est de tenir & croire leur
seruitude honorable, estant employee pour la
conseruation de sa personne & de son estat, la cu-
riosité quelquefois de vouloir cognoistre beau-
coup de choses, nous rend du tout ignorants, li-
bertins & seditieux, comme dict Ronsard en ses
vers, proposez à Monsieur de Foix.

*Il est bien vray que lors qu'un Populaire,
Est trop sçauant: c'est lors qu'il delibere,
Je ne sçay quoy de haut pour delaisser,
Le ioug seruil, qui dit le trop presser,
Et pour le rompre, il se bande & inuente,
Mille moyens d'acheuer son attente.*

L'ambitiō est vne vraye marastre, qui bien sou-
uent estouffe les siens, ou les faict perir par des si-
nistres accidens, ce que pour euitier il ne faut pas-
ser les bornes de son deuoir, tenant tousiours la

raison pour guide de nos actions, afin que de nous mesmes derechef, nous puissions dire ce que disoit vn ancien, parlant de nos Roys.

O! combien nostre France est plaine de bon-heur,
 Sur laquelle commande vn vertueux Seigneur,
 Enuers qui les subjects, reglez par ordonnance,
 De bonne volonté portent obeïssance.

Soyez, soyez tousiours paisibles conseruateurs,
 tant de la personne, que de son estat, vous y estes
 obligez dès vostre naissance, attêdu que la Frâce
 est vostre chere patrie, & son Roy vostre supe-
 rieur & maistre, afin que nous tous estans r'in-
 corporez, nous chantrions ces vers de Ronsard.

Qu'est-ce que paix? en lieu d'ouyr les armes,
 De voir les champs tous foulez de gens d'armes.
 De voir en l'air les estendarts rempans,
 De taffetas, tout ainsi que serpens,
 Qui vont par l'herbe, & d'un col qui menasse,
 A cent replis entrecourent leur trace.
 De voir le fer des soldats tous sanglans,
 Voir les vieillards tous pastes & tremblans,
 Mourir de coups aupres d'une famille?
 Voir une mere, une vefue, une fille,
 Porter au col ou son frere ou son fils,
 Et pauurement mendier d'huis en huis?
 Quel plaisir est-ce? en lieu de voir les villes,
 Places, chasteaux & campagnes fertiles,
 Du haut en bas, & raser & bruler,
 Et insqu'au ciel les plaintes se mesler,
 D'hommes, d'enfans, de filles & de femmes,
 Sauuant leurs corps demy brulez de flammes?
 Quel plaisir est-ce? en lieu d'ouyr le bruit
 D'un mur tombé, ou d'un rempart destruit,
 Voir maintenant la paix venue en terre.

Je vous veux aduertir Messieurs, qu'il y a vne gloire aduantageuse à acquerir, si vos courages n'ont point de bornes pour la France, quelques Princes cy deuant si sont exercez, & y ont faict de beaux exploits d'armes, comme feu Monsieur le Duc de Mercœur, & depuis M. le Duc de Neuers, qui y ont planté leurs drapeaux, arborisez du signe de la Croix, iusques par de-là les limites de la Hongrie, où ils ont trauaillé le Turban à outrance, pour le nom & gloire de Iesus Christ, dont ils se sont rendus honorables protecteurs.

Ce sera lors que les pauvres Laboureurs, se voyans asseurez de crainte, s'esiouyssans ensemblement, rendront graces à Dieu pour vos prosperitez & longues vies.

Alors le pauvre Paysant

Encor reprendra courage,

Et fera mieux que deuant

Son penible labourage,

Se seruant des corcelets

Pour nicher ses oyselets,

Qui vont manger sa semaille,

Pendant que sa Marion

Fera dans un morion,

Pondre sa grasse volaille,

Excusez donc Messieurs la liberté de cét escrit, qui ne tend à autre fin qu'au seruice du Roy, nostre Prince & souuerain seigneur, à qui comme tref-fidel Citoyen & seruiteur, i'ay consacré tout ce qui est & sera à mon pouuoir pour luy faire seruice.

FIN.